

**Korunabhairas soledde oktot ghorwalir edde maya ba morot o'nor zoriya zulum gorede hinor aro beshi fuwaan zimmadarir babute hobora-hobor okkol.**

1. Saaf-sutara rakon edde saaf-sutara taile korunabhairas no'oibo. Aa\*rar ghoror gush'shithiyare basaito mone hoile, aiyo aa\*ra beggune aa\*rar ghor-duar saaf-sutara raki.

2. Ghoror ham-horos ghoror beRain manush edde beRiyain manush beggunottu bag-zug gori gora foribo, zendhilla neki saaf-sutara raka, ra\*da-bara gora ar ghoror gura-fuaindore ar bura-mainshore edde biaraimma mainshore kermos gora- inor zoriya ghoror mainshor butore hamdorodi bare ar sinta-bafana edde fereshani home.

3. Saaf-sutara takibar hamgin gom gori mani solaiyore edde oinno zonor gaat no'bazi dura-duri gori takefan goriyore fuain-shuaindottu korunabhairas no'owfan hefazot gori rakonnan maa-baf dini zonor zimma.

4. Maa-baf okkolottu hitarar fuain-shuaindore zotton gora foribo ar kiyal raka foribo, hitara-re fonna forat edde kelat modot gora foribo. Onorar zer-fuain edde morot-fuaindor fua\*ti thaim don mani oilde hitarar mum-mikkar zindegilla kissu zoma goror fan.

5. Korunabhairas, hibar alamat okkol ar one nizore nize edde ghoror oinno mainshoreyo kengori hefazot gori rakibo inor babute ghoror mainshore soiyi hobora-hobor okkol zanai diba. Hiyanor zoriya zan okkol basibo.

6. Saaf-sutara rakon edde saaf-sutara takonnan sirif beRiyaindor zimma no; korunabhairasottu basi taibolla aa\*ra beggunottu hamaka nizer zimmadari falon gora foribo.

7. Ghoror ham-horos okkol ghoror manush beggunore; zen neki- beRain manush, morot-fuain, beRiyain-manush ar maya-fuain okkolore bag-zug gori di faribo. Aa\*ra beggune ekzon arekzonore modot gori faijjum.

8. BeRain ar beRiyain duni zonottu ghoror hono kiyolloi hoijja no'diya foribo ar hoijja no'owfan gora foribo, oileyo hiyanore beshidin taito no'diya foribo.

9. Ghor hode hiyan shantir zaga. mogor, atikka-utikka hiyanot oshantiyo ow. Zodi onora ghorot maze hono zulum fai taile, hiyan onorar hosuri no. Modot magibolla no'dhoraiba. Maya-fuaindor shanti-hana yato dath'thahanar dhake asede maya ba morot o'nor zoriya zulum gorede hinor babute ham gorede hinor asol zimmar loizuhazug goriba.

10. Modot hamisha thiy\*a sara; modotor bodoilla hono kiyono onorattu hono kissu magi no'faribo, zendhilla niki- thiy\*a yato bura ham.